

盤

洲

詩







盤洲文集卷第一

詩四十六首

擬古十三首

行行重行行

行々重行々南北各倦游昔人重離別一日嗟  
三秋如何三秋暮相見尚悠々方寸正紆軫何  
以寫我憂仰瞻衡漢移俯對蘭菊遂臭味雖云  
同光塵若為異迴風淒且發飄我別時袂欲知  
長相思披衣不勝體





青之河畔艸

青之河畔艸，籬邊菊雅，當窻女濯手。

如玉淵，錦中意，粲未盈幅，藁砧天一涯。

頭誤行，下卻鑑，怨新眉，誰教遠山綠。

青之陵上栢，櫺之庭中竹，人壽能幾何，譬彼雷

過目一觴命，暱交且以慰心曲，駕言長安游，川

光晨可掬，神洲何赫戲，高城矗延屬，峽榭干星

斗彫栢，錯珠玉，鱗王公第，華纓夾繡轂，放懷

姿槃虞，端憂竟誰逐

今日良宴會

今日良宴會，朋簪故人家，搖情綺琴度，曲漁陽

過放歌，掀醉髯，晤語粲春葩，列坐各知心，游揚

相齒牙，芬芳須及時，東扶忽西斜，胡不屬逸翮

天津問仙槎，無為甘寂寞，痼疾守烟霞

西北有高楼

西北有高楼，偃蹇軼千門，綺櫳納飛月，壁璫礙

翔雲上，有絃歌，女哀聲，啟鶯唇，誰能為此曲，無



乃返香人一章三致志脩蛾有餘顰不惜饒清  
響暗驚梁上塵所悲聽者心中無涇渭分願作  
南冥鳥夕飲玉池津

涉江采芙蓉芳蕤蔭幽沚相思不相見芬香欲  
誰遺秋容感人心浪、睫涵淚不如膝上琴哀  
音入君耳

明月皎夜光

明月皎夜光琴瑟扇商籟衡紀直西躔雲章斜

左界感彼林薄凋歲律倏云邁蜻蛚誰汝憐悽  
悽鳴戶外昔我耐久朋著鞭道方泰尉藉繒編  
輕金蘭舊盟改東井不及泉湏女無儔配君看  
貞公綦白頭媿傾蓋

冉、孤生竹

冉、孤生竹成陰幽谷中聿來君子室葛藟施  
喬松喬松千百尋攀附猶可窮思君江水深褰  
裳難往從同心而偏棲媿彼摩霄鴻灼々芙蓉  
花凌波媚芳風非不努力愛秋至無歸鴻昔盟



儻不寒誰歎久西東

庭前有奇樹

庭前有奇樹黃鳥巢其枝之子不顧返失此熙

春期采采未盈霜夕風已紛披路遠悵莫致雖

多奚為

迢迢牽牛星

迢迢牽牛星奕奕停梭女尋盟整瑤纒絨情導

漢渚欣讌未斯湏別愁眉已度黃月不我留殘

機忍重頷翻羨巫山雲朝朝楚王遇

人生不滿百

人生不滿百蟋蟀等春秋花月多風雨何不蠟

後游朱光忽以馳退舍未易留生前一杯樂難

與昧者謀臨流羨方沚歡言泛輕舟

孟冬寒氣至

孟冬寒氣至衝風一何厲宿楚失故陰思蟲柱

聲哀喙客來門冬袖有尺書遺一讀淚先零

再讀心已醉妾如初開花君如長流水花挽水

回難水捐花去易流水何時休春榮難久恃



明月何皎皎  
舒光瑩窻綺宛轉  
羞空床披軒步  
庭際故愛同一心  
新愁今兩耳  
咫尺相會難  
迢迢若千里  
况復千里隔  
憂端無窮已

謝洪慶善提刑遺法帖

紛泐渴驥競秋蛇  
鐫鑿收拾俱名家  
吾宗尺牘擅天下  
年來野鷺誰肩差  
庭前書帶凝寒綠  
架上下牙籤富新軸  
中藏墨妙更奇  
長物不留沾  
騰馥生平小楷拘  
蠅頭豈知蠹尾與銀鈎  
從今

已辨筆成塚  
學竒還許登門不

春思

自聞郊外景  
多病負年光  
沐雨桃容膩  
耽春蝶興狂  
幽期知我背  
遲日為誰長  
一枕虛牕寂  
爐烟續舊香

晚望

古蝶高亭暮  
登臨遠眺時  
菊房棲渥露  
荷蓋偃清漪  
遵渚歸鴻集  
投林嘯犬悲  
閑情聊繪句  
獨立自遲遲



欲雨

雨意泄琴床  
桃笙驟覺涼  
衝飈方賈勇  
藻景存  
韶光去室  
憐鳩婦封閣  
看蟻王青燈  
可吾伴黃  
卷任更長

客至

閉閣聽剥啄  
有客欵蓬蒿  
譚壘萬人敵  
詞源八月濤  
園蔬供菜甲  
盤賓餽柀毛  
冷淡琴書味  
由來屬我曹

秋懷二首

送喜得新涼  
秋情未慙忘  
弱枝紅皺重  
平野碧滋長  
林迥蟬初亂  
籬疎菊自芳  
吟成轉蕭瑟  
徑醉任蒼蒼  
愁緒苦縈人  
寒蛩殆已聞  
瓜疇殘蔓去  
蘭畹秀蕤薰  
遠水涵秋態  
餘霞冠夕曛  
揚今夜月獨  
與廣庭分

送人至姑蘇

吳門千里役  
別話不堪聞  
暫蒞參商歎  
長懷星斗文  
菊叢黃彩亂  
槐路綠行分  
日冀書郵至  
冥鴻接暮雲



送吳傅明知盱眙

龜山其下古淮濡上馳駿，穩著鞭千里八年。  
聞皂蓋九重一旦下青氈名郎他日曾趨禁靜  
鎮今朝疊典邊簪筆侍書公雅意薰風殿閣待  
誠懸

方福州生日行

雪風高，雪如許海門潮生浪吞浦即罷携田  
街西東到處歡然聞好語舊日大官多養高民  
詞獄寄充官曹橫行阡陌喧夜鼓唯征關市析

秋豪只今事，無長蠹五月政成歌召父尺一  
方來問鳳儀魁三快刷聯鴛羽三山岌業摩魯  
空便是方丈蓬瀛中他年圖畫凌烟了却向山  
中訪赤松

謝唐守送朱櫻二絕句

鈴齋一樹滴堦春翻走髻盤贈野人欲進麴生  
呼伯雅却無樊素啟丹唇  
乳酪醞醘僻那無多酸梅子豈吾徒香擎翠籠  
青冥出舊事從誰說上都



青真出答林神童

快觀終童英妙時足然銜袖出明璣家聲不訛  
大哉問文律何愁知者希益利鋒銳臨大敵養  
成羽翼看高飛紅塵可厭忙車馬挹取西山爽  
氣歸

海棠花二絕句

雨濯吳粧膩風催蜀錦裁自嫌生較晚不得聘  
寒梅金櫻桃及以芥嫁筭但恨時不海棠根子臣  
杞醪楊梅批友外殼非難致鮫胎業已成夜深寧覓

睡相照月偏明張寶就印錄寶使子弟常巡市  
外以金絲織海棠花各鮫胎  
盞醉後畏酒時多用之  
瑞香花

衮香毬次第開結根幽獨謝紛埃芳容妬入  
鴛鴦社異馥清傳錦綉堆睡裏魂交非自衍醒  
時心賞可無猜品題蓋在春林右不是花王喜  
後來

題信州吳傳用郎中游絲書  
上饒毗俗醇且古千室鳴弦方按堵黃堂丈人



今循良河南治平追臯祖訟棠留景分清陰爐  
篆方羊燕寢深笑談了却邦人事游戲翰墨惟  
書林自從真行易篆隸草聖書絕馳極擊游雲  
驚龍初振竒渴驥怒視爭作勢臣中第一茲謂  
誰寥々典則其幾希文人尺牘妙天下臧去收  
拾生光輝作古要須從我始直欲名家自成體  
手追心摹前無人一掃塵蹤有新意縱橫經緯  
生胸中落紙便與游絲同縹緲繭車飛白雪織  
簷蛛網破清風一行一筆相聯屬姿態規撫駭

凡目臨池漫勞三十年千鬼從教後人禿舊聞  
呂向連錦書百字環寫紫髮如惜哉澗泊已無  
考盍使北面稱臺輿獨步不復名相甲端恨二  
王無此法只今四海書同文使者來求至將押  
雪詩用晁無咎

密雪舞東晝祁寒反夏炎竹枝低未濕梅萼瑩  
先霑怯冷昂肩立欣繁矯首瞻隨風方此渡際  
海必東漸軒簸來如摻繽紛勢轉嚴枯荻新點  
綴曲砌巧增添伺隙花穿戶承隅箸挿簷高飛



迷皎鶴夜影逼清蟾  
砧淨綃橫石牕  
塵粉雜塵  
崑丘千壁碎武庫五兵銘  
烟徑楊吹絮香  
蹊蝶奮髯  
鱗鯢陸骨腐  
鵠鷺野翎爛  
白髮秦人遜  
龐眉漢尉潛  
清蠶功孰及平地  
瑞初占窖卧行人  
節門扁志士恬已甘  
穿履困奚避  
割繻嫌醉慕  
隻螯畢寒懷  
五絳廉飄颻  
疑宓女刻畫  
謝無鹽河濶  
疑新浪峯高  
失舊尖山陰  
賓欲返淮右  
冠將殲穆蒲  
三章著宣温  
五板兼君恩  
捐衛粟天意  
絕齊疴江上  
叢堪盡籬間  
毫可覘客覘  
昨已

眩兒咀手頰  
拈足沒尋萱  
履腰閑刈藿  
鎌馬馳毛愈  
素烏喙首難  
黔凍折騷人  
筆光臨織婦  
幃蝨牟寧待  
火疫癘詎煩  
砭甲長寒蔬  
細根肥宿麥  
纖年豐雖欲  
頌神助愧江  
淹

前韻雖險用之未盡  
掇其餘復三百言

一苦寒威重  
清晨兩脚靈  
嚴風號宇宙  
靈雪下閭閻  
布地鹽初撒  
穿帷粉乍黏  
裴回輕點袖  
縈積滿盈檐  
騁巧飄雖急  
乘危勢或沾  
梨花芳小圃  
桂魄射疎簾  
烟濕茶翁竈  
竿低酒舍帘  
清泉



埋沼吐蒼幹，聳榭玉。匪齊君，履銀風。魯國詹  
盆收新琢，壁塔展未裁。縑木杪，疑飛絮。江干雜  
秀蕪，正隨雲陣合。未放日光暹，處壯山屠席。高  
興澤，殫蚋重巔聞。折木邃野絕，飛鷄隼擊翎。添  
屬鱗，藏口敢噉狼。隨姬滿，駕鵲集。叔才苦授簡  
詞臣敏，乘車海若謙。漢傳王母絳，周貢嶮。丘儉  
山甜王，暖師方整高。昌衆欲燔漢，光開帝業蘇。  
烈貫兵鈴豹，曳荆人。駟牙抽孫子，籤膚寒方起。  
粟手圻，正憂脆。挾纒冬裘燠，傾壘夜飲厭寒光。

欺寶鑑，素質奪朱綬。大喜蹄方逞，兒餐舌未箱。  
梅林催皚，麥壠長蘄。置鬼難探穴，又魚已  
既驚。鴟蹲飢愈噪，馬縮凍難拊。見覲將消釋，歌  
詩興佞儉。妍辭慚謝客，詎敢示群僉。

用雪詩韻謝三外弟見和

我昔檇李寓，君方錫山潛。欲馳咫尺書，駛足無  
飛廉。相望參與商，引首徒遐瞻。竭來萍梗蹤，遠  
野得蒹簷。獲與譚壘接，何詢龜筮占。青山整烟  
鬟，澄波開鑑奩。喬松與恠栢，如虬老龍髯。悠然



一望間野色皆可覘  
范甌飛埃塵墨突寒不黔  
好友豈厭頻雞黍供炊爨  
外家三遺珠穎脫皆  
囊尖交情謝流俗不問涼  
及炎著鞭挹清風從  
者屢我淹高論極根源  
師友識所漸大畧推治  
忽細談析毫纖皮裏有  
陽秋褒貶追齊殲古稱  
學如殖秋成現現執鎌  
吾匪董夫子家居下帷  
檐言經雖敗績寧防整  
冠嫌抽軋強成章句鄙  
不任拈翫敲且艱澁疵  
瑕費鍼砭君詩粲珠琲  
光焰古人兼詎覆縑邊  
幅富健筆鋒銳銘語句

既適麗格律何森嚴  
我窮思已竭君方涌泉添  
三峽爭倒流未肯波瀾  
恬短才愧非正尚期膏  
馥沾吟罷覺夜永明  
窓耿孤蟾

讀秦本記

應侯一語幽宣后長信  
蒙辜徙萑陽秦室無親  
類梟獍借箕諱語亦其常

侯生

其子

淮陰束手九江閑誰信  
功成頰舌間不惜鴻溝  
分二國太平今日得生還



楚懷王

武關謀詐却稱臣  
冤魄游魂尚在秦  
墓木蕭條冢猶濕  
流聞其子作昏姻

讀戰國史

折足黥徒未易欺  
箠中死士亦何為  
魏齊斷首龐涓死  
禍報由來不可知

讀召公世家

齊晉瓜分四國王  
嬴秦為呂芊為黃  
六雄當日皆新主  
獨有甘棠澤未亡

穰侯

推轂曾聞荐武安  
威伸三晉走荆蛮  
廁中犬鼠圖攘奪  
猶道藏兵不出關

田單

齊主輕忘在莒時  
解裘淄水遽相疑  
若無貂勃明勲業  
幾使功臣枉見夷

長平

一敗長平振古無  
趙邦臣主亦何愚  
當時已中馮亭計  
猶自區區遣鄭朱



春申君

珠履三千盡在門，爭無國士解銜恩。  
棘門難作無遺類，死黨寧聞報李園。

題陳體仁判官休齋

翔纓影組蓋，中留綠水芙蓉。且漫游過耳，從教千不是。處心渾欲一，且休爐中異馥。非多愛架上新籤，弗外求寂。掩扉無所事，飽聽風竹韻。  
涼秋

次韻陳體仁惠詩并示遊山詩卷

人生名利場，羈絆無休假。沉迷雁鷺行，夢寐雞豚社。見謂游子欺，更防官長罵。何如山中樂，松窻肆嘉話。陳侯青雲客，英聲蜚日下。當年金馬掉，鞅示間暇。小試芙蓉池，未整驪駒駕。台嶽十日行，樛蘿若相迓。來歸探古囊，篇々可圖畫。傾耳金石聲，鄭衛敢爭霸。

次韻李舉之縣丞秋日偶成

當年使節反窮廬，解綬歸來得少娛。庭事微官又縈縛，強顏文墨受意烏。



朝來傾耳得街談頗說塵容亦可慙從事未知  
三尺守醉心空向六經酣未嘗見文獻國華始守  
官途陸：未回車秋桂春蘿總負渠目送飛鴻  
千里去故山應州絕交書

筆底淵源萬頃多卷中句法不隨波覃思正作  
青雲計寡和聊成白雪歌未嘗見文獻國華始守

次韻題謝景思少卿藥寮

壯歲揮金邁二疎眼看餘子伏藍車芷蘭清馥  
渾紉佩芝木新苗樂荷鋤剝作好詩傳近體誰

言巧宦勝閑居北窻睡起琴聲寂便若身登太  
皞墟



盤洲文集卷第二

西東詩七十一

蔡瞻明寺丞有詩見簡次其韻

漱芳傾液飽心胸  
久矣高名在郢中  
遂請叢祠方養氣  
卜居蕭寺且談空  
結交計入芝蘭室  
招隱奚須桑苧翁  
妙語鼎來驚創見  
益慚白豕過河東

鼎李舉之

象載凝華落筆工  
一時英妙盍居中  
交情耐久



惟同味詩意求新更鑿空揮塵寧談阿堵物聯  
珠不數嘯嚅翁文成間被雞林得復有聲名到  
海東

次韻曹功顯都承賞梅

紛々凡卉怯嚴冬獨有清姿對雪中拂幌更宜  
粧嫵媚巡簷誰憚履穿空南來未見傳聲使東  
望方思避俗翁聞道聯鑣得幽趣無因同醉玉  
西東

次韻李舉之立春四絕句

東皇先遣雪清塵一夜山川眼界新共喜太平  
今有象更將歌舞為迎春

三冬文史總空虛獨有施行寬大書坐對南牆  
千箇竹何妨笛客煮園蔬

雪後疎梅正壓枝春來朝日已暉々癡兒公事  
何時了一醉花前心似飛  
他鄉春日思如何屏去茶甌任睡魔且得小窻  
成好夢片時江上逐烟蓑

次韻蔡瞻明惜花五絕句



底事春愁減玉肌誰能懶隨為扶衰可憐傍巘  
臨池處非復嫣然一笑時  
無情誰似東風薄相見那思雪夜初欲把紅顏  
借桃杏便教枝上白紛如  
月地雲堦滿意開牽荅準擬尚徘徊抗瓊解佩  
已仙去駭綠紛紅徒後來

試因子墨賦瓌姿獨記朝容在一披著粉直嫌  
粧太白只今何以夢中時  
一聲橫笛曉林空知是春風十日東來歲花時

在何處探芳還有幾人同

陳體仁以心清聞妙香作詩惠末利花  
香次韻為謝

塵勞昏獨至祿利蠹良心掃地香一爐澹然清  
興深假寐頃刻間烟霏遂盈襟聯翩珊瑚鈎逼  
人何駭：東風將小雨一夕池中平春聲在疎  
竹琅：有餘清公退遠世氛心地莫與京寶董  
凝窓牖為君尋鷗盟臯覲拜嘉况名香印前聞  
塵容方一洗藻思期三薰久坐欣有得飄：欲



凌雲都良與迷迭芳馨此其分英末利花素  
蕤馥清曉誰將煮水沉採擷得奇妙吾非范蔚  
宗品題能了雜佩媿報仇蕪音發譌笑春日  
紫宸朝合殿縈香天王筍粲風采雞舌相芬芳  
陳侯金閨彥指期邁鶴行安能久鬱俛首回  
劉腸

偶得梅一種疎枝清香附萼之花五出  
與江梅無異但花色微紅而五出之上  
復有一重或十葉或九葉他日皆並蒂

雙實俗呼為鴛鴦梅昔上林有趙昭儀  
所植同心梅疑即此也因成四絕

却月凌風一種香更勻粉面作紅粧枝頭自結  
鴛鴦社為倩東風謝海棠

重香藹故多情索笑初聞帶薄醺翻恨前村  
雪深處一枝幽獨太慙生

客子逢花心欲灰異方初見眼還開故應臨水  
橫斜日曾作子飛一念來

花開已作鴛鴦侶著子還成鴻雁行舊日同心



上林種至今千載亦流芳

次韻蔡瞻明登中山三絕句

朝來爽氣冠魯丘急雨驚風正麥秋  
要得雲軒聊放目何妨松徑暫低頭

名韁局促祗懷漸飄忽熙春月過三  
矯首白雲千里外此心無日不江南

好句聯翩見未曾品題今日欠鍾嶸  
登臨自有江山助豈是胸中不得平

得二弟消息

倚欄春晝靜花柳自芳香消息三洲遠  
塵埃兩地忙鵲聲傳近喜鴻影憶初行  
抄得新書策歸時補墨莊

次韻李舉之風雨中書事四絕句

掛壁鳴琴久斷絃強反書帙本相便  
詞源顧我非流峽藻思如君已挾天  
雨勢風聲何太雄群山答響亂賁鏞  
青奴今夕安用汝玉友此時留得儂  
怒號通夕攪空虛好夢那能到玉除  
枕上泰然



無一念只愁雨滴架中書  
向曉登樓凭小欄蕭然歸興在江干癡兒未了  
公家事且把雲山子細看  
次韻蔡瞻明秋園五絕句

芥毛金瓜勇難干肯作霜花對乍寒若說來軒  
有癡鶴司晨如共合我冠雞冠  
翔仞當年覽德輝傳芳花品未思歸晚來霧鬢  
凭軒處直恐金翹相對飛金鳳  
澤蘭萱艸比多言謂汝分陰久奪鮮政恐淇園

脩竹効不如秦嶺老松堅芭蕉

高標幽艷自宜霜弱艸繁葩莫中傷肯與紅蓮  
媚三夏要同黃菊向重陽芙蓉

臨風裛露早秋天範出南金色更鮮若向東籬  
比標格定知花市不言錢金錢花

宿佛窟寺

籃輿登佛窟高閣望中清古木爾許陰飛泉無  
限聲雨消今日暑雲作晚來晴獨對青山久相  
逢如有情



過瑞巖寺示勝上人石空照禪師嘗坐一

云喏惺惺着他後莫受人瞞時有瑞氣金輝

暎燭岩下因以名岩而踞其石曰惺惺石

逗曉亂山中來尋古佛宮荷間留夜雨松下進

秋風瑞氣猶如許岩姿今亦同惺惺有盤石應

記主人公惺惺石

簿領久沉迷誰能不忍欺我来漸此石拈出問

吾師

滴之泉

石罅來泉滴松風雜澗聲天明有公事還憶此

時清

題霸石寺并簡景思

聞道飛來石當年却畔亡烟杉行之行客踏風

竹護禪房有酒對玉塵無夸錦囊塵纓自羈束

真賞負山光

夜飲藥寮次景思韻

主人知我樂郊居藥圃嘉招走尺書笑語池邊

欣促席醉歸林下却却去肩輿正聞雁過後啼



後更是風清月白初見說長安消息近却須高  
興謝鱸魚

題景思水芝亭 白蓮一  
名水芝

遠意闕千雲亭幽不受塵來為池上客本是社  
中人影密龜魚蔭花開鷗鷺馴買山如遂志應  
許卜比隣

黃岩道中

兩日黃岩縣紛然百慮侵乍聽幽鳥語復起故  
園心冒熱度峻嶺憚芳休茂林潮來知海近三

島可能尋

過妙緣寺聽懷上人琴

斷澗復危岑紅塵且滿襟疾驅炎熱小憇得禪  
林煮茗對清話弄琴知好音秋風不借便去轍  
已駸々

行縣道中寄曾德父

雲山初見非昔遊一瞬不許回隻眸二年佐州  
已強半七月行縣難罷休濺々微留響縈谷蕤  
多稼光盈疇兵厨願留一樽酒霜螯醉嚼期中



秋

登寧和嶺

嶺屬寧海

初識寧和嶺有懷占夢時聞詩千里隔斷織九  
京悲草木應相記烟雲渾異宜西風襲懷抱淚  
睫不勝垂

懷孫邦求

酒開桑落泛觥觥行子驅車恨不留雁塔自是  
丈人行麟臺更叅儒者流官居二年有十月別  
思一日真三秋水輪今已可人意何時來賞城

東樓

宿大龍山寺贈海上人

看山論舊事拂石認前題雨滑苔徑阻雲收松  
嶠迷三秋文豹隱一夜寒螿啼又復問去清遊  
懷帛溪

大龍山五詠用家君所和胡別駕韻

經藏

萬法俱一空忘筌亦忘字勿置齒牙間回現方  
寸地



龍祠

夾日授五飛論功中興主

龍父有五子建炎末護行幸有功皆封侯

賜廟額宛々龍父尊茲山職霖雨

密室

小室坐蒲團死灰念不作所以護明珠精修企

先覺

小池

山椒有龍湫清泉日夜流巖作方沼漱甘非

外求

湯爐

蟬眼候松風雲腴挾霜月爐下豈常炎灰飛即

烟滅

懷李氏昆第二十韻

城南兩佳士英躔名砒砒相之妙才具玉筍班  
中闕胡為影長纓去々事輓軌舉之登詞壇龍  
帛榜未揭歸循南陔蘭不使芳馨歌胸中蟠五  
車一々思英發有如清廟瑟審聲知度越我來  
貳銀菟接袂俱墨髮情期膠漆堅門受車馬謁



筆陣幾塵戰君盈我先竭別來勤相思十日倏  
飄忽遲明蒙囂塵畢景邁嶒嶸躋高怯肩輿挹  
秀欣拄笏泉清甘著齒岩幽冷縈骨西風勇波  
瀾極望際溟渤是中三神山縹緲雲出沒問津  
舊乘槎引舟今捨筏俛首傾縹瓷獨醉徑兀兀  
起看天宇開詩成走郵卒歸歟及中秋高樓共  
嘉月

宿廣潤寺書倫上人霧雲庵霧雲禪師  
因桃花悟  
道有偈曰三  
十年來尋劍  
客幾逢落葉  
樂

寶池深：俯碧潭有僧酌茶延我談千岩狀秀  
躡風磴萬竹含翠藏雲菴西來指栢本無著一  
見悟桃須再叅登臨已是秋欲半霜葉枝頭纔  
兩三

摘星嶺

披山鑿道何嶮巖上摘星漢摩虹霓七襄終日  
往曾問一握去天今可躋叱馭已排蘿蔓去下  
車不復烟雲迷舉頭此際長安遠願借六翮凌  
丹梯



交翠亭

政和丙申家君主寧海簿明年作  
交翠亭是秋而其生後二十有八年  
其來貳郡事踰年行縣至此感舊懷  
遠賦詩二章

三十年中事寫棲築一亭寒聲長新籜清閱拂  
踈櫺水轉前時綠山濃遠處青重来勤問訊此  
別記秋螢

三瑞堂

久矣馳魂夢今登三瑞堂故山有喬木近事話  
甘棠展驥漸充位占熊憶問祥白雲留未去極  
望是吾鄉

留別縣僚

滿城鼓吹出林垌珍重來思此日情共說棲鳶  
留政迹自憐展驥掾家聲一時宦侶推儒雅百  
里民編樂治平山意川容若相挽不堪整駕問  
歸程

過梁王寺書

家君祠堂

舊有道流安  
引地記乞廢



寺為宮外臺下之縣家君  
時攝邑事力為辯明乃寢

生還未列麒麟畫  
舊德猶懷鳶鳳棲  
共問翰林今孰似  
凜然眉宇染風墜

山行遇雨

天公作意轟雷霆  
風雨驟至神如兵  
翻手為雲只俄頃  
舉頭見日尤精明  
蟻君一戰方奏凱  
鳩婦復還已和鳴  
稅駕欲投佳處所  
林間隱々疎鍾聲

蔡瞻明以詩還行邑鄙卷次韻謝之

涼秋野趣已蕭騷  
方駕看山念我曹  
十日空歸才每下  
一篇來况曲弥高  
詞華若我慚雌霓  
筆力惟公掣巨鼇  
欲作歌詩興協律  
清朝今日有王褒

鼎李舉之用前韻見寄

閱盡千峯不憚勞  
歸來文墨厭官曹  
浮槎問漢秋期近  
埋劍衡星夜氣高  
那復精思如吐鳳  
初無壯志欲乘黿  
詩壇軒輊歸題品  
濫得陽秋一字褒



褒字詩已得十二章請各賦其一以足  
巨鼈

紛々吏官誇吹毛未肯留心效此曹象齒好辭  
降二妙鱸魚歸思羨三高吟毫未秃一千兔詩  
軸須聯十五鼈敢道嚴霜起中夏益知趁韻有  
龍褒

次韻蔡瞻明木犀八絕句

誰為花王定等差清芬端合佩金犀上林他日  
移根去應記詩仙綵筆題

香清為借三秋露葩細寧禁五日風俯對倚蘭  
振寒綠靜看飛葉墮輕紅

風流直欲占秋光葉底深藏粟檠黃共道幽香  
聞十里絕知芳譽亘千鄉

此花亦名十里香

笑含菊彩媚踈籬巧作葵粧旁曲池顏色從他  
矜速肖芬馨如此孰爭馳

心稟犀文饒地力體薰蟾影奪天香圖形好命  
丹青手締句須煩錦綉腸

廣寒秋桂映天池休說當年折得時韻勝今逢



岩下種價高寧新橐中資  
纂鬢新枝立晚晴淡粧異馥稱隻清夢魂不記  
前來事愁逐江潮日々平  
黃絹家聲映古今隨和發彩驚詞林高樓宴坐  
清商晚獨向此花垂意深

盤洲文集卷第二

盤洲文集卷第三

詩五十一首

次韻李相之觀溪漲二首

愁霖方注射駭浪忽衝斜宿鳥行驚雁遊魚目  
失蝦夕波奔析木春漲過桃花沸渭今如此誰  
乘犯斗槎風聲隨雨急水勢滿川黃巨艦困澎  
湃窮閭悲混茫為魚懷雒汭捷竹謝宣防共後  
陰雲卷冰輪替戾罔  
次韻鼎丁致遠司戶



翰墨場中識面初，珠璣聚似相如。盍參多士  
登臺省，却椽諸曹親簿書。白社不妨閑泚筆，赤  
城更好命中車。寸心渙汨方茅塞，快讀新詩得  
剪除。

次韻蔡瞻明江樓秋晚二首

斜照穿林迥，歸雲歛岫遲。蝸文寒壁篆，蛛巧暮  
簷絲。待月是愁處，對山無倦時。掀髯阻談綺，細  
讀寄來詩。竹外秋風急，樓頭夕靄微。遣懷須命  
酒，怯冷幾更衣。嚴鼓縈城去，輕舟劈浪歸。登臨

多少意，墜葉滿庭飛。

九日官舍種竹

獨整陳編對北窓，烟雲渾欲助淒涼。庭前且使  
竹交翠，籬下從他菊自黃。遠宦只今同旅泊，壯  
懷誰復問行藏。携壺已失登臨便，不待微吟恨  
夕陽。

天台道中

灘聲因雨急，山勢向雲斜。橘綠誰能盡，楓丹遠  
似花。春鋤懷淺水，郭索上寒沙。漸聽鳴梭近，林



中三数家

赤城

平生幾讀興公賦今日霞標對赤城此是南門  
入山路山祇乞我一番晴

玉京洞

颶輪曾此宅霧仙洞府今稱第六天規往不辭  
蘿蔓險回看雲物起瓊田

國清寺

紺宇今方盛名知國已清李邕寺記云智者嘗  
夢定光曰寺若成國

必清因萬松九里影雙澗四時聲  
以為名萬松九里影雙澗四時聲賈島云山門  
九里松圖經

云五峯四面合雙澗縈  
抱天下四絕之寺杖策將窮覽巾車不計程

登堂山更好人去晚猿鳴光老作更好堂方成  
而有音移佳霧隱時

丈室未有

清音亭

久坐俯俛溪流清詩思慳跳珠鳴蘚石淙玉下  
松閑此日耳塵靜幾人心地閑抽琴作新曲歸  
去要怡顏

禪林寺



振策快秋晴伽籃倚翠屏看雲不留瞬對竹已  
忘形銀地聲千載虹橋拱百竅至今鍾磬響如  
講淨名經智者始至佛隴定光指此曰南峯金  
地我所居北峯銀地爾宜居之後講  
淨名經陳郡袁子雄見堂前有瑠  
瑤山梵僧數十擊香跨虹橋而來

山中阻雨欲登華頂峯而不果

昔聞天台一萬八千丈層峰目華頂魂夢幾  
馳想竭來乘清秋明發將獨往小兩巧作難祥  
雲約仍爽風磴清苔蘚霜崖亂榛莽崢嶸一何  
峻梯空不可上便思捐竹輿徐行倩藤杖老僧

挹而言茲山韜萬象舉頭天宇逼寓目岩扉敞  
重溟倒寒影萬壑振幽響峽迥啼猿猿猿林高隕  
檀椽仙袂挹浮丘飄然頓塵網今茲風雨時烟  
霧接穹壤勁寒或薄人跬步迷俯仰不如遊石  
梁重来事真賞斯言既纒々誠哉非我誑俗駕  
為之回蕪音不堪榜寄聲山中竅心期空鞅々

石橋

懸磴跨幽崖奔流漱深壑宛然卧蒼龍天巧謝  
鐫鑿萬木森前山笙竽真籟作長嘯斤狸猿來



巢布烏鵲莓苔助危梁下瞰心膽落橫前限翠  
屏峭壁亭如削於此判塵凡只尺遂綿邈飛錫  
躡空虛樓臺變林薄寶輝覲華燈金翰過神省  
二年佐銅帛渠能解羈絡來烹紫雲腴寒甌散  
葩萼竒事訂前聞詩成識層閣

雨中宿萬年寺

夢回深夜耿秋燈泉竇爭流一味清過雁不留  
天外影寒松長送枕邊聲颯風可但久無賴急  
雨那能便寢行已問瓊臺雙闕路此心何必羨

層城

閑上人覽衆亭

籃輿行盡白雲層來款禪居得小亭亂石引泉  
歸曲澗寒風吹雨過中庭四旁野色朝昏別一  
覽岩姿遠近青宴坐蒲團作何想光陰不復問  
竟莫

賀子忱吏部抱膝庵

主人蚤歲抽華簪隱居時作梁父吟于今松窓  
在人境空有蕙帳留烟岑風來翠篠自搖玉秋



著黃花仍散金拂拭塵埃記行役興來命酒還  
孤斟

桐栢觀

屹然雙闕峙瓊臺仰見彤雲郁々開三井窮源  
知海眼六符垂象應台徐灵府天台台山記曰山  
井甚深不測嘗有投綸其間綸盡而不及底三  
或云海眼其一今塞俗云女人濯手而然松  
杉滿道欣初過芝朮何年得自培更聽鳴泉雜

風籟直疑笙鶴紫霄來

衆妙臺

臺有八稜柱司馬子微  
朱漆書三體道德經

白雲仙蹟紀琅函三體丹書寶翠嵐欲問仕塗  
今捷徑不須高價借終南

石道士紗聲堂

泉溜古今同臨流萬慮空採芝歸絕嶂添竹映  
踈叢影漾高繩月聲宜深夜風真清長在耳何  
用撫孤桐

仙壇院

王子晉壇所

舊聞王子晉雲卧夜吹笙控鶴冲天去松風千

古聲



天台觀

芝田環拱碧崔嵬  
流瀑高從天際來  
飛沫有風長是雪  
寒聲無日不如雷  
岩前八桂人誰折  
溪畔千桃路未開  
便覺仙都清晝永  
翻愁歸路染黃埃

劉阮洞

桃花當日未成蹊  
只有幽禽語翠微  
楚峽行雲空入夢  
秦臺鳴鳳要同飛  
仙家長若三春好人  
境何知萬事非  
訪問丘園荒舊迹  
却應回首悔

來歸

贈護國昌老

緩轡到禪扃  
高談得細聽  
茗花泛輕椀  
烟篆度虛櫺  
門外雲千嶺  
軒中水一瓶  
我來無好語  
留汝待丹青

慈雲祖老相邀至悠然閣倦不克往

幾日陟雲烟  
危峰懶著鞭  
聊將臨別意  
為我謝悠然

明岩寺



路轉霞標外雲開綬帶前幾層山底屋一線竹  
間泉洞口石孤聳岩頭峰倒懸故應風雨際行  
子總迴鞭臨海記云寒山有石室前有立石參  
差如侍衛者悉五色遠望似綬古今  
相傳為綬帶山

### 寒岩寺

峭壁插青冥層岩覆化城空中清磬發幽處慧  
燈明萬瓦足雲氣四簷無雨聲豐干不饒舌此  
地孰知名

### 寧國寺

幾日山南北端期汗漫游水痕秋雨過竹色晚  
烟收宦海何時了僧房為少留却尋歸去路餘  
興謾回眸

### 晚發秦安驛

秋夢不能曉起行山徑迷小車驚宿鷺列炬誤  
鳴雞冷覺霜華重光瞻斗柄位金庭有佳處芳  
桂想幽棲

### 以糟蠓送曾守

太湖九月霜波寒郭索不幸逢漁蛮誰令骨醉



糟丘裏使我涎流書卷間黃堂丈人思幼玉耳  
邊不復親絲竹一杯聊使破愁顏要遣詩情踵  
山谷

得景嚴弟書

往年同入洛此日各監州慣見浮雲改相思野  
水流有書將遠意何處話新愁莫為癡兒事乾

螢滿案頭

夢中送妙興寺僧  
獨游旁近處至妙興寺  
西指雲是方霞彩如少頃必開霽田

家常以為占而東頭凝陰雨下如注寺  
前高山樵徑中水爭下流予因並山而  
南復東折有橋長可二許丈自深澗  
聳立巨松每伍七步必夾橋直東至所  
憩處時有僧自妙興相從欲先去口  
占一詩送之既覺復夢携家登日既高  
而兒曹尚告未辨家君命趣之見內子  
方梳櫛而董氏妹解篋授予衣遂侍家  
君偕景嚴而小景盧弟步尋近境至一  
指西隅有話前夢而予弟告予頗協向  
所經行因語而雨復作予輩欲輟行而  
寺也欲度橋而疑若彼寺有先世臺葬  
家君強之使杖策命一兵張蓋既登岸  
其間者家君杖策甚因返領二弟勿借  
予踵而前斯橋危甚他日故詳書之  
未至妙緣而寤欲驗他日故詳書之

西望霞光東望雲劃然晴晦此區分小橋過盡



盤龍險回首高人多謝君

次韻魯宏父探梅未開

梅枝渾待雪山意漸呼風欲索簷間笑那憂徑  
外窮英辭窺玉潔拙句媿雷同只恐花開日綸  
言下法官

招魯宏父待雪

欲把詩催雪見將酒送寒凍雲方作意微霰已  
開端目斷鄉城遠心驚歲事闌擬同今日醉待  
取玉花看

次韻錢處和運使郡齋晚集

風聲止雨歲云暮雪態無雲晝欲昏共喜高軒  
歸別墅肯臨畫戟對清樽埋輪前事空豺路授  
簡英辭踵兔園是處梅花寢消息更憑玉藻為  
招魂

遊蓋竹洞

曉出山城故著鞭荒々寒日滿晴川幽棲未卜  
誅茅地乘興來登蓋竹天霜凝陰崖疑積雪雲  
躋重障雜飛烟洞門今古無關鍵俗客那能見



列仙

仙居道中

雪霽方瑞，鵬雨勢欲凋。年此日信泥，軾來風侵。坐壇為官，渾漫爾行。邑又徒然為報，仙居今無勞負弩前。

寄吳明可正字

歲晚仍多病，春來尚異鄉。愁城誰與破，談壘漫相望。體怯山嵐重，心隨驛路長。後亭梅若放，為寄一枝香。

次韻范子芬雪中同訪曹功顯

明朝春瑄欲飛，設臘裏重看舞雪。斜筆下百篇，非事業樽前一醉，即生涯初疑高柳，狂吹絮却伴寒梅，好放蒼苔凍不辭。方駕遠，閉門留客更誰家。

憶梅呈魯宏父

重憶東城踏盈、十里梅，弥旬阻風雪，幾處雜塵埃。已是春移律，何時酒泛杯。好卷那忍落，直待使君來。



題王氏秀野堂

飽聞居處好遠意快心胸樹接高位影山分朝  
暮容佳時能自適閑客幾相從勿訝題詩晚新  
來百事情慵

除夜懷景嚴弟并寄景廬

遠鄉勞薄宦絲服共思親耿耿胸中事紛紛眼  
底塵與誰同別歲到此兩迎春獨有還家夢書  
牕一笑新

次韻曾宏父欲賞山宮梅花

黃堂清興動官梅遙望花林首屢回命駕許同  
狂客往舒殘頗有好詩催空懷月現橫千影趁  
取山宮舉一杯為語東皇相假借莫教零亂點  
蒼苔

見招賞梅時范子芬欲行

翩翩盡戟對春光命客重登千仞岡坐上行人  
傾別酒花前小雨伴啼粧雪膚不為輕寒瘦玉骨  
何如昨夜香麗句競傳新樂府誰誇何遜在維  
揚



次日宋父携家出游而小雨新晴

山頭霞彩發天光  
初日曛暈射短岡  
莫使吹簫尋古曲  
直宜點額作新粧  
不禁風雨飛來急  
頗覺園林減却香  
花下凌波奏竒舞  
腰支尺六咲垂楊

丁卯正月十六日作舞漪亭于池上盡

廢蔬畦植花數十本

二年倥偬接歸期  
漫作新亭傍舞漪  
舉郡定嗤推不去  
故山已訝到何遲  
園官不屬藜莧腹  
花

吏好呈桃李  
姿待得浮萍  
是飛絮誰能愛樹一  
相思

檢校園花

往夏新閣成  
拔去園中葵  
萬花間千藥  
十夫勞徙移  
群香頗猗猗  
密影初參差  
烈日吁可畏  
時雨不能滋  
未秋葉先墮  
欲冬柯已萎  
虛蒙灌溉恩  
無復嫣然姿  
啁雀飛且正  
不肯登空枝  
寒蟬守枯葦  
未忍相弃離  
永懷斬新日  
豈料憔悴期  
誰呼殷七七  
來伴紅裳兒  
金鼎一劑藥  
返魂庸



可追春來作高亭綠沼揚清漪舊蹊類陳迹遠  
圃分芳蕤結根自浹間生意渾熙々微白李賦  
質小桃紅入肌柳條迸顏色已含烟兩眉遊蜂  
相召引有虛渠先知地力固自若大鈞不偏私  
以秀匪機巧向衰非鈍遲萬物理固然颺芬須  
得時

添竹

添竹乘春力期君共歲寒青青懷特操碌々媿  
簾官尚有哦詩日尤勝借宅看他時誰檢校何

虔報平安

次韻景思謝送四時纂要并惠乳泉且

許見頌

斷壺食鬱遵時令蓮芡橐韜辨土宜若解養生  
供伏臘自然卜築數期願  
我無卮菑等通侯不作多田望蓍收松菊漫成  
三逕夢烟蓑已失五湖秋  
青編送似補山房妙語相鼎掩夜光盜甕不須  
瞞吏部將軍何日命元方



盤洲文集卷第三

盤洲文集卷第四

詩五十六首

送范子芬赴浙東機幕

男兒三十富春秋况是才華出輩流傳家不墜  
 右丞相入幕少佐東諸侯梅花頗惜詩人去草  
 色正牽行客愁脩禊蘭亭訪陳迹應懷同醉仲  
 宣樓

送季元衡教授赴調

三年淹講席斗酒動離情此去登臺省諸公熟



姓名驂騑看地絕  
鳶鳳為時鳴  
春日西湖上  
煩君一寄聲

送石初平歸四明

析別梁谿七換春  
海邊相過意能勤  
袴襦不羨千金子  
簡策無慚萬石君  
豪氣掀雷須給札  
他時修月待揮斤  
鏤衢又揖東風去  
情話無人可夜分

送李相之提幹閩中十二韻

官柳訖春事  
落絮東復西  
門外高軒過  
行々將

何之七閩  
綉衣屬非如  
州縣卑少留  
長者轍酌酒  
語別離五年  
宦他壤一面  
即故知辯囿  
塵仍落詩壇  
襟屢題撞鐘  
問今古邃然  
五總龜迨々  
千里去風過  
衫裳衣我亦  
及更書歸耘  
楚江涯河梁  
携手歎參辰  
後難期曼倩  
寧自銜長卿  
固同時征途  
慎勿遽會看  
軺車馳

題左達功秀才桂香齋

小齋面蓬瀛  
昂霄得瓊桂  
黃卷對聖賢  
欣然有餘地  
筆端妙言語  
挾此波瀾勢  
熒々百鍊剛  
自



是青萍器衝星不我識  
鈎刀且爭利于今修月  
手益振陵雲氣明年廣  
寒宮聲名却說似歸來  
八桂鄉浮丘挹仙袂

還李舉之太平廣記

釋官九百起虞初過眼  
寧論所失誣午枕黑甜  
君所賜持還深媿一瓶  
無

鼎光吉叔用前韻見寄

怨鶴今誰侶馴鷗詎可  
親頗思同淥酒久已厭  
紅塵歸夢常通夕微吟  
漫惜春床頭易在否觴

手不應新

次韻蔡瞻明雨中書懷

梅雨冥冥晴復陰小軒  
終日起歸心自憐宦業  
初何補獨喜交情久益  
深憶微醺看錦瑟媿無  
好語比南金青山千里  
江南路它日卸籤幸見  
尋

贈傅神陳秀才

舉世人心別端如面不  
同山川險難測筆墨思  
何工未索形骸外聊先  
阿堵中自憐無骨相不



到漢南宮

次韻向憲見贈三首

理財無管晏言利析秋豪吐論千人廢摩空六  
翻高未簪安世筆先佩呂虔刀楚澤東風勁寧  
辭攬轡勞四望荒樓現登高動土思山川相映  
帶桃李已紛披漢節人重仰黃陂世莫窺三章  
堆錦綉唐突古西施河東空有賦人不道楊雄  
貴賤雲泥鬲寅緣井邑同平番依列宿談笑霽  
威風終賴帡幪力能成尺寸功

次韻向憲道中偶成

四牡馳原隰侯邦害必除疲民端可念茆舍未  
如初消息三春異創痍二紀餘君王心在遠諭  
意倚相如

聞景嚴弟遷西掖并寄景盧

俛仰梁谿歲幾寒向來墨沼已中乾傳家紫橐  
榮三字得路青雲喜二難爵位方知稽古力論  
思當使覆孟安自憐骨相宜塵土那得絲言動  
筆端



次韻向憲留題荆門惠泉卒章見及

對泉一洗心如水  
誦詩三歎頽有泚  
字比渴驥駸  
來文如翠漱鱗  
起皇華轍跡環  
諸道濟物良籌  
載襟抱雙泉復  
見等故人竹馬  
兒童半羸老吾  
君豐澤要下流  
漸愧長瀾力不  
侔一方始以一  
滴潤千畝長有  
千鍾收去瘼未  
盡惠未施可使  
剜肉生新瘡塵  
埃滿面語甚惡  
虛辱逢人說項  
斯

獨步惠泉用石刻中韻

拂崖看古字倚策仰前英  
雕章細讀清思源

生文傳峴山石句激漾陂行一字或華袞五

言有長城林蟬衆作噪下里羞混并坐令藁爾

國宇內渾知名茲泉發地脉有玉潜山庭神龍

職何護老蚌呈煌熒楚人力水耨倚沼仍畦瀛

甯沸晝復夜輸出無窮聲演迤清漢接旋折數

日程膏潤亘原陌穀價年平非才忝敷惠下

考乃為榮疲民未擊壤循吏難聯橫獨行挹清

泚誰與論丹誠銷憂賴季雅遣興煩客卿信美



非吾土千古仲宣情

楊元素題蒙泉詩云源有雌雄分碧白

注謂南泉色白為雄北泉色碧為雌因

為之解嘲

小孤寧有匹織女自無家浪比人間世增添白

玉瑕雄風波不動堆霓影空垂欲洗蒙泉謗湏

刪蜀客詩

曲水

杯去渾無勇退時偶然遇坎亦安之不教坐有

獨醒客便與投醪倒接籬

金蓮

綠衣黃裏水蒼筤朝暮凌波步武齊一種清高

樂泉石移恨不肯汚塗泥

古柳

異時古木蔽岩阿去盜來兵厄斧柯老柳如龍

壽千百獨全煨燼傲清波

同姚當可胡元質錢舜仁張昭甫遊上泉

避暑遠簿書尋幽踏管蒯寒泉浮玉根巨石開



眼界霽湫幾千年洗盡塵土礙老藤走長蛇茂  
木歌翠蓋掃葉坐水旁可喜此風快炎雲不能  
神潛蚪秘竒恠滿酌白玉鍾嚙甘猶沆瀣何如  
習家池舉鞭同倒載

次韻朱宣州見寄

十載蕭々麋鹿姿那知出守得同時  
黃山白水空孤諷疊嶂凌溪屬好詩  
擊柝曉傳邾子國舉鞭春到習家池  
只今霖雨思賢佐會見絲綸下玉墀

謝景高兄惠魚鱗

霜風激水鱗含寒漁火獻俘清夜闌  
不亨五鼎若賒死使之骨醉尤如餐  
尺半之魚鱗六：同入糟丘隨小贖  
鼎來蕪味口流涎可使盤中食無肉  
潯陽從事姿南金高山調古誰知音  
寧同媿隅作蛮語生憎郭索多躁心  
簷頭雪消春有意洗盞開尊宜一醉  
持螯頗憶左手同尺素不妨時遣使

黃山書送唐左史紙墨



黃山奇峰三十六聳壑壽松多節目真工曲突  
掃芳煤介圭拱壁陳玄玉澗河千里茲濫觴萬  
穀之皮搗冰霜肌理細膩色白皙蜀經刺藤難  
雁行使君來自岷峨蔗魯賦客鄉朝奏牘細字  
不作蠅頭書高文富有牛腰軸向來平步第一  
螭勇退宛在番之湄陶泓毛穎幸旅進快寫元  
和聖德詩

送李泉

周人九府有圖法漢京金布在令甲炊炭冶鎔

多乳真紛々輕薄如榆莢即山不復私下臣張  
官置吏幾王春君子謂之阿堵物方兄不知何  
許人十年九收其弊近談何容易趣銷印事權  
損使歸民曹鼓鑄伊誰察諸郡詔書狠々修廢  
官諸公爭言隄度難向來矯枉亦太過疇咨英  
俊乘輜軒鼎新能事推心計貫朽不須夸古始  
共瞻使者振綉衣曾見真人興白水荀卿自有  
富國篇高視管簫宜併肩錢流地上小小爾便  
合論思雨露邊



江州塵外亭

使君人物風塵表亭下纖埃遠白蘋佳傳緬懷  
方外友漫郎端是社中人山光水色長排闥鵝  
侶鴻傳已卜鄰莫語軟紅車馬客香鑪峯下有  
遺民

喜景徐作小圃因懷東閣二絕句

數頃澄湖練有光小亭處處得踈篁夢中春草  
多佳句一洗塵埃速寄將  
白朱手自栽兩年憶著滿林開莫教童稚

輕攀惜折取濃陰待我來

次韻董伯魯

讀破群書有遠謀逢時便可動凝旒不辭岩邑  
千山險肯作鈴齋十日留辯舌未容蠹測海歸  
心已夢蝶為周松関萬一逢佳友為說相如故  
倦游

端午日應賢小集戲用坐中語

短檠長憶桂叢岩東翰墨新來莫論功日一簿  
書成俗吏星鬢髮遍衰翁公朝難緩三人帶



小壘聊吟一馬馳共飲昌蒲修故事山肴野蔌  
是家風

次韻黃子餘惠馮井茶二首

荻花風景醉為鄉每憶臨分一鼎香枉費先陰  
驚老大畧無治行媿循良歸心來往雞豚社清  
思消磨雁鷺行且喜弦歌餘樂地好詩句挾  
風霜

峰橫萬仞臨馮井調護旗槍春怕深白雪有芽  
鷹作爪黃梁無夢蝶何心聞名可信非虛語知

味端如賞好音祇欠欠毫釐一杯水未能相就盍  
朋簪

送范至能

愁雲暗千山欲雪意未歇兩脚侵夜分鷄首勇  
朝發軟紅英俊林定不冗干謁磊落胸中書高  
談傾上笏結駟映天街登瀛有仙骨摩娑先友  
碑姓名或湮沒却願浮丘亭寄聲頻日月

次韻王偉文二首

山城碌負魚符尺五家園好坦途可惜光陰



迷簿領漫無惠露到樵蕪雞豚小社元相接鷗  
鷺新盟不敢渝莫話彈冠仍結綬祗宜襜褕與  
夫須子夫街石難夸和氏場揮犀久避蓋公堂筆端風雨  
真無數紙上寒溫細作行結屋競傳千畝竹奉  
祠聊對一爐香朝中環賜無虛月遙想眉黃已  
效祥

次韻程現過

山城寂々簿書稀梅際春風一夜歸忽喜烹魚

中有得恍然揮麈久相違折腰豈愛蘄州竹問  
漢湏尋織女機竒絕黃山待佳句何時小雨濕  
征衣

和州

歎息和州事腥羶未易除驚濤飲胡馬壯士乘  
江魚列戍俱奔命斯不奠居元戎猶擁鉞資斧  
定何如

鼎立淮南將胡來競退師折衝潛白羽告捷開



黃旗已報瓜州敗，還驚乘石危。邊防恃天塹，百萬豈熊羆。

胡虜

胡虜猖狂甚妖星，近日畿俄聞佛狸。死不得帝，羝歸帟旅空。增竈狼狐為解圍人，說恢復進退在投機。

詹氏仁壽軒

修竹林，買四時。龐眉扶杖到期，願子孫長憶當年事。留取軒楹客賦詩。

道中懷景廬

宦路多睽別，春游曷弟兄。頻年再登陞，十日又離京。吏責倉臺少，官曹省闈清。床頭何夕月，冷語聽殘更。

闡陽驛二絕句

略：春晴天亦慳，雷驚雨作轉。頭間浮雲又逐東風起，不見前山出髻鬟。

觸石泉聲高下聞，曾將兩耳洗埃塵。相逢尊酒今誰侶，細艸青莎是故人。



次韻范守翠微亭

帶郭長堤十里春是中佳處外風塵層層危磴  
渾依舊一々高亭已斬新領畧江山初縱目剪  
除荆棘不勞神携壺一笑須投隙官事何時可  
脫身

次韻施德初遊齊山

詩塵誰復數齊梁小杜文章楚大邦魯為黃花  
鼎九日至今陳迹擅三江新亭高下依喬木遠  
岫參差進曲牕著屐與君時茗飲後車何必酒

盈缸

再賦

向來胡馬遠跳梁奔命紛々不一邦景物何期  
新斲壑夢魂猶自怯防江看山小隱紅蓮幙批  
敕須臨青瑣寔無事肯來文字飲為將紅酒到  
鵝缸

喻江寧欲遺蘄笛辭之

蘄州美竹今古名白雲吹裂笛一聲矐儒所對  
筆墨客長物虛尋踈比僧還君不用君莫怪綺



總辦得千金買誰與移根到艸堂  
它日風來聽天籟

烈士

烈士死知己交情重同心反眼如不識  
怨深恩更深憶昔邂逅初一諾  
百金黃口血頰未乾舊盟何許尋

景盧自右史

假北門出疆再用前韻

漢節螭坳出青氈映父兄天方推醜虜人已望  
神京使指今茲重邊塵定可清歸來陳口伐蓮

燭問嚴更

聞應賢景高文特少張景孫同客景盧

官舍

使回親舊集帟穴問窮廬半夜樾喧馬高秋盤  
進魚真成聚東井誰復話南徐底事桃源客新  
來書也踈

左舉善求草堂詩

孤山佳處著茅廬飽看雲烟自卷舒莫向淮南  
恋戎幕松關恐有絕交書



次韻景裴贊喜農扈之際

北固金焦顧眎中裴回於此再踰冬徒勞金穀  
供諸將未有田園問老農且喜邊亭罷旣脫不  
須水戰習蒙衝九卿已媿班行忝敢向明時歎  
不逢

答木縕之用前韻見寄

魁星秀句挾東風便覺陽春變盛冬媿我供軍  
儕絳灌羨君汲古到羲農北隣再講衣裳會京  
口今為冠蓋衝已具扁舟勇歸去梨花清論度

難逢

得江樓

官事何時了憑高思豁然逐江開北戶望岫頓  
修椽繁卉渾相亞新篁便可憐歸心入春夢已  
逸故山前

花信亭

解報花消息江邊有好風吹香四時別問訊幾  
人同梅塢難藏白桃蹊豈借紅但能長檢校定  
不酒尊空



小兩同裴弟深甫堅上人登新亭次韻  
移梅種竹趣陽春舉目江山發興新曲檻踈窻  
那州、飛簷碧瓦已鱗、鼎來好語鼎佳景更  
有高僧話淨因步屨躊躇烏亦喜不嫌風雨墊  
冠巾

春雪再作戲成絕句

常年窮臘無一白盈尺冬來已屢書底事天公  
太手熟又同春絮到堦除

寄題陳阜卿揔秀堂

佳麗并包地曼花子夜香望中團野色塵外發  
天光小隊高牙駐輕裘清嘯長故應堂上燕相  
與賀雕梁



盤洲文集卷第五

詩六十九首

使虜道中次韻會亭

平野風烟闊孤村父老存薄雲低故堞落日逐  
輜軒分裂時云久澄清敵未吞春光滿花柳天  
道竟何言

過穀熟

玉帛齊盟亦可尋東風著面客塵侵隨堤望遠  
人烟少汴水流乾轍迹深桃李不言應感舊山



川無主祇傷今遺民久厭腥羶苦辟國謀乖負  
此心本盟亦下尋東風昔面容墨對國豈望

次韻馬上偶成

天遣祥風掃塞氛越疆輶傳禮儀新禦戎可鑒  
秦無策覘國誰夸鄭有人鳴鶴九臯聞徹響翔  
龍千載仰攀鱗垂鞭日、陪清話談笑成章泣  
鬼神

次韻車中倦吟二首

舊國于今作兩家鄰翁有酒不能賒明朝又逐

歸鴻去祇有塵埃滿一車

叱馭寧辭歷險艱投戈且幸迓遐安  
長危坐恰似舟行八節灘  
安輶車軒簸

次韻初入東京二首

乾坤正欲稔天驕會見降胡款聖朝蓄銳乘機  
先自治莫令武庫五翁銷

五門馮闕未央城碧瓦朱甍  
真主南  
巡正嘗瞻從今瞻印泰階平

過黃河用上介龍深甫遷居舊韻



風埃如霧滿川黃馬上朝來識太行水瀉濁河  
橋甚壯沙連遠塞路何長皇華復講夜嘗會京  
關今為擅剽鄉夾道桑麻過千畝野花時有一  
枝香

絕句

宣防瓠子挽西京向者河堤役不寧胡虜任教  
流就下始知談舌誤朝廷

次韻北使邀觀常豐湖

一派澄湖何處來鳴榔漁子聚還開主人甚願

他鄉客莫使歸途欠一杯此處欠一杯蓋北使語

次韻初望太行山

魯蠻逾碣石形勝鎮神州可惜羊腸險今包鼠  
穴羞天心端有待人力豈能謀未老如憑軾壺  
漿為曲曲

次韻伊洛道中

萬里修鄰好擅裘不亂羣邊鋒方兩解春事已  
平分發軔維三唱揮毫浦半醺問途殊未已返  
顧羨歸雲



次韻湯陰寒食遇雨

殊方遇寒食節物負年華  
小雨偏宜柳輕風未  
落花見錫如隔嶺對月共忘家  
俗重之推廟誰  
祠萬里沙

次韻講武城

漢鼎三分霸業成并吞猶未戒  
佳兵故城四壁  
存陳迹荒塚千年斷樂聲  
何必枕戈防詭計豈  
容橫槊竊詩名  
我來弔古停車轍  
壟上農人也  
輟耕

次韻趙州石橋

訪古汶河上聊忘道路勞  
仙蹤嘗策蹇海恠或  
鐫螯濟遠從杠小憑虛  
乳石牢何時冠蓋集一  
變火羊臊

過中山

三關標重鎮自昔護遼陲  
觀者堵墻立紛然簾  
幕垂欲謀千日醉恐誤十旬期  
可喜中庭月何妨盡一卮

過保州



藝祖松榆社唐人保塞軍百年隣毳幕今日聚  
妖氛故老垂黃髮妍姬豔絲裙白溝才一舍何  
計可中分

次韻早行

夙駕星光動徐行霧氣迷塞鴻  
去月去胡馬向風嘶  
析靜樵門曉輪歌沙路低  
頗思眠蕙帳枕上聽鄰雞

次韻得保州老張瓦研

毛穎傳既成陶泓名不朽  
陳楮接武來論交篇

籍園千年銅雀臺瓦解淪坤厚  
何人澄其泥頗能髣髴  
名龍公天上客金蘭幸同臭  
結束萬里行聯翩五旬久  
清談落玉塵痛飲盡金斗  
咳唾珠璣粲揮翰不停手  
窮邊得佳研可出老呂有  
瓦缶莫雷鳴龍尾羞牛後

次韻保州聞角

覺來屈指數修程  
歷遍中原長短亭  
誰向城頭曉鳴角  
胡音嘈噴不須聽  
整頓征衫待啟明  
已把哀笳變清角  
可傷任昧雜韶英



次韻梁門

凌壘依然柳作陰故疆行盡倍傷心時平且得  
無爭戰苔上戈槍卧綠沈

次韻白溝河

唐餘畫壤媿鴻溝西閉關門漢道柔一自旄頭  
入京洛至今泉水不東流

次韻回程至涿鹿

回首燕然日再西一杯相屬使輶歸殘花媚野  
不妨好倦鳥投林自在飛可惜光陰銷客枕不

嫌塵土染征衣大明退直清和日已約梯雲訪  
翠微

燕館日鐺得四雁籠之以歸

提携乘雁耽庖丁等待他年羽翼成  
唳月摩雲  
須有便莫教更作不能鳴

次韻楊花二首

桃花開落不同時燕子銜泥相伴飛  
若向章臺問春色可無清淚濕征衣  
官路風輕落絮迷望中高下雜游絲  
糝瓊擬雪



春無際只有騷人聖得知

再至保州

再入中原境相迎有莫鷓柔桑新著葉高柳細  
吹花短情人如秃尖冠女不髻指期淮可渡寧  
歎在天涯

次韻再至中山

路指中山國人歸折木津終風震簷瓦細雨壓  
車塵落紙詩章速開尊酒力醇無功慚報國來  
往謾勞人

次韻中山雨後

好雨連宵鳩喚晴晚行襟袂有餘清遠游朔塞  
殊風景夢到東阡看火耕紅退柰溪三月晚綠  
添麥壠一川平纖塵不逐車輪起喜聽驅驢叱  
馬聲

次韻村店得牡丹

花品稱王擅洛京朱朱白白莫齊名相逢河朔  
春將暮半吐檀心若有情

次韻陳留聞鶯



恰々啼鷺馬上聽凝雲欲雨晚寒輕滿郊碧艸  
皆春色祇欠山光與水聲

次韻寧陵憇驛

野外人聲寂林間鳥羽翻朱櫻喜堆案青杏助  
開尊故國多荒艸遺黎有怨言兩餘塵土淨不  
復汚歸軒

次韻南京道中

密葉成陰行路寬鳩鳴鷺轉足開顏半塗泥滑  
夜來雨數片雲飛何處山薄暮每尋樽俎共殘

春能伴節旄還塵襟好濯西湖水偷取禪房一  
日閑

次韻遊臞菴不果

水紋如縠送歸船漸近觚稜尺尺天適意尊鱸  
公有興尋盟鷗鳥我無緣遠懷並轡穿紅皺近  
阻携筇款碧鮮却待湖山最高處醉中一笑挹  
臞仙

寄別景盧

禹穴遺書不可尋坐看綠葉再成林千岩競秀



非吾土三徑就荒勞我心誰是周人思召伯今  
無老叟出山陰台堦穩上添花萼時晴來鴻續  
好音

蓋憲遣人往吳門移洛花未至而去

雒京曷絕花難得茂苑移將信已通世事好乖  
猶獻鵠雕欄不用怨東風

新壇巧築列東西唯擬看花倒接籬交臂失之  
端可笑儻來外物盡難期

三春桃李家、有不費陽和特地恩名品異芳

天亦靳未教容易到丘園

登芝榭見景廬所增月臺

臺榭相望聞語聲茹芝觀月有餘清旁連小隱  
分三徑細數修篁限一城日、杖頭思徑醉年  
、鐺脚玩欣榮誰人知我歸歟樂茲此登臨未  
憚行

許倩報白榴已得玉茗未諧以詩趣之  
萬里移根安石國何年傳粉未知名須邀玉茗  
來岩壑便結瓊花作弟兄詩客定疑天外得園



人已辯臘前迎東家阿措休相妬不學穠粧照  
眼明

次韻景盧喜得安州牡丹

洛中花信已沉聲涇渭寧分濁與清近出黠山

空接壤

徽州雖出牡丹  
吾鄉亦難致

遠來安陸比連城虛壇

僅免遊人問浪藥從教著處榮更丁寧新芍藥

維陽新送芍藥  
五十本

莫誇多少便橫行

次韻景盧野處解嘲之什

地偏不接市塵聲古木參天鶴唳清臺榭迫窮

千里目詩章突過五言城花移瓊樹真無敵酒  
換金貂未足榮燈火歸時笙管作解嘲何事有  
歌行

再賦

幽壑藏雲水作聲紉蘭入室好風清

雲壑蘭室  
皆野處所

名高蜚便有縹緲意進築如開蕩城百尺樓成

同日涉四時花發匪朝榮園池如許誰言小但

平聲放芻蕘雉兕行

鼎景盧賦圃中種橘移花



甕頭玉友已銷聲小試山齋百末清十客對花  
休避席千奴呼橘擬專城微霜到處葉未落小  
兩移來根易榮情話團栾亦終日坐中惟欠十  
般行景孫有小鬢解作戲是日不至

鼎景盧謝菊

涉秋無復滴堦聲夜雨隨風塵已清平日愛山  
營一壑老來學圃列三城園夫種樹元無術籬  
菊分叢獨晚榮躡屐問花兼問柳不須乘槁可  
泥行

荅景盧

雁翅齊飛有雋聲文章何止賦華清誰教短策  
長尋壑不擁高牙且典城臺省向來非獨冷身  
名此日已俱榮盈旬詩軸牛腰大抱牘須同饗  
虱行

病酒

三日惟聞煮藥聲一中可怕聖之清移花種竹  
已得地逢酒當歌須閉城遠避霜風嚴北戶靜  
看朝日滿東榮復鰲退步輸季少誰與抽琴作



蟹行

答景嚴

向來戎馬沸邊聲  
曾出良籌助掃清  
六載倦游潛楚澤  
一枝同折記梁城  
北門西府仍班綴  
後雁前鴻媿寵榮  
兩鬢星々吾老矣  
看君重上赤墀行

景嚴送冬杏

蒼頭呼夢雜雜聲  
藥杏詩來白轉清  
獨傲風霜愛冬日  
不隨桃李媚花城  
一枝得々能相對  
凡人

卉紛々孰並榮  
大隊開時春且盡  
醉吟當續麗人行

景盧送瑞香

翠幄藏春巧寄聲  
熏籠織錦曉天清  
幽香端是花中瑞  
仙派初來塵外城  
酒海何妨三雅進  
鬢雲誰稱一枝榮  
雨來頓使鄰牆遠  
不到闌干深處行

野處有詩羨山居  
小隱之廣而有拓地  
不可之歎



敗葉翻風策策聲  
山根可掬石泉清  
東隣美芹久成塢  
北陌新柑小築城  
臺在家邊求更好  
地連郭外得非榮  
曾樓縱目無窮景  
安用垂涎杖屨行

再賦

厭聽朱絃裂帛聲  
携鋤斲賦臨清賞  
心盡得難并景舒  
足休嫌踏破城  
夜壁朝瓊寧獨樂  
春蘭秋菊豈爭榮  
閉閣不使高軒過  
只許漁樵為輔行

周智光鎮華州嘗曰夜眠不敢舒足恐踏破長安城

憶城東來禽禽景孫弟

遠送來禽我獨無  
後來總得兩三株  
隱園野處花難比  
祇恐人評棣萼圖

憶古城柿景陳弟

果園幽僻少能知  
丹烏桿手自移  
欲學節度書墜葉  
何人解有寄來時

憶隆庭竹為魏彥成

聞道隆庭竹滿園  
許分蒼翠長兒孫  
看冬盡無消息  
始信莊周是寓言



憶吳中洛花為藍 成

書郵浸失鱗鴻約欄檻長教蜂蝶猜待擬子虛  
烏有賦東賓仍遣耳孫來

戲孫陳二弟

城東卜築有期無須為簷檻動百株可忍非時  
歸爨下合尖何似助浮圖

古城栽種畏人知定是根盤不可移酉陽雜俎

柿為最俗為之柿盤車載斗量裨販走果縮却有入州時

傍巘經營雜果園翻愁它日逐王孫不如種竹

拾風月此意難逢俗子言

林居艸創名花少柳徑苔生過客猜不管空言

無實惠只嫌巧取近嗟來

再賦

外求它壤曾攀柱近捨家園尚守株待得枝頭

如赤奈廣志林禽却來看我百花園

圃在前村若個知山逢愚叟會須移前言戲耳

君休恠七絕成陰自有時雜俎柿

何人種柳成門巷幾處看花到子孫高適詩門



深巷羅帶詩買我池館愁且盡山齋一杯酒此

無地看到子孫能幾家

君相對已忘言

長慚無地起樓臺覓果尋巷頗受猜且向園林

送景盧

聊寓意不教絲管逐人來

涉世難防犬吠聲放懷安可俟河清昂霄莫辯

千尋水鑿牖聊看三里城丹橘黃甘隨處好美

浙行

花香草逐時榮晚來寒雨催歸騎酷似邠人接

送朱叔召歸吳中

長憶吳中鳴櫓聲風高月上水波清臞菴掩映

花成聚筍澤微茫烟若城十載相忘存夢想一

帆此去喜歸榮老來無復尊鱸會尚看驂駟得

路行

景孫以婦病稽賞甘嘗蟬之約景盧以

詩詰之

鄭莊好客底虛聲藥裏關心與未清應恐被圍

因魯酒也防完癖弃秦城謂德興凌螯弗講連



宵會千橘誰教滿路榮見說高臺新斷手何如  
自索玉杯行

戲景盧

千橘亭前莫聽聲豈無鄴酌和汾清

齊武成勅河南王曰

吾飲汾清二杯

勸汝鄴酌兩盃輕裾長袖閑列屋碧瓦朱甍高

照城臺上金波催夜集樓邊玉樹待春榮賞  
斫鱸言猶在還被題輿誚卻行

盤洲文集卷第五

盤洲文集卷第六

詩六十二首

隆慶竹至四絕句

憶昨分抄種樹書三荆今古美同株閑將艸木  
供詩戲待把漁樵足畫圖  
竹里巧傳幽鳥語月臺高視客星移鄉園何幸  
立分鼎鳴鼓鏗鍾樂聖時  
班籜遠移湘岸種猶頭亦是渭川孫百金得諾  
今無恨千畝封侯不在言



裝景松篁渾可喜忘机鷗鷺不相猜南窓情話  
有時盡喚取青州從事來是飲川紹百金買  
之今鼎答景盧久陰遣悶

幾日思君環珮聲方冬天宇未澄清衝寒也到  
臨春閣處暗如登却月城整頓建瓴愁雨作商  
量設醴卜花榮錦囊不用詩排悶起看朝雲亦  
倦行

喜小隱新得山茶

芳園封植閱季華異卉搜求闢小車不羨竹林

生石竹獨來茶塢補山茶遊人認柿枝頭子歸  
鶴求雌葉底花我去臨川尋玉茗遙將白雪映  
紅霞有人以山茶子  
為沒蒂柿者

答小隱惠山茶

何處仙官萼綠華鞭鳶獨御五雲車來從月窟  
曾依桂分種盤洲不碍茶枝耐歲寒犀換葉蕊藏  
朝霧錦羞花紅顏不遂東君老須著頻來鬪臉  
霞

答小隱聞野處開尊



遺我獲魚集棣華尚疑信馬誤隨車  
絲聲自是不如肉酒薄須知大勝茶  
翠袖明朝看倚竹蘭燈昨夜報開  
花飲闌同步曾臺月古堞危亭見  
綺霞

答小隱喜得白山茶之報

素質寧嫌潘鬢華來時應有雪翻車  
賦傳山谷文堆綉種出麻源韻勝茶  
不向桂宮藏王兔合橫蕊現儂瓊  
花冥搜未獲詩先作駐目輕帆  
落霞

憶東閣手植花木用雍陶過舊宅看花

詩韻

分根從核望春栽曲徑幽蹊手自開  
今日成林渾著子花時不折一枝來  
雍詩云山樵野杏兩

開今日主人相引看  
誰知曾是客移來

玉茗未有耗而小隱詩以瓊花為二  
絕當專美野處可也

休論官業出金華共樂家林鹿挽車  
何日尋春携漉酒有時留客試搗  
茶望梅止渴寧非夢却



月橫枝始是花，祇恐偏枯慚好句。空教步障錦如霞。

和景嚴送方蒂柿

萬株紅葉詠光華。昌黎詠柿詩正植萬株紅嘉

實堆盤走紺車。柿曰嘉實其方蒂寧同牛妳柿

朱脣應笑鳩盤茶。園官急送須足繭。童子爭

覘多眼花羅列林。珍生飲興詎思辟穀更飡霞。

談苑鶯粟子詩既柿似牛妳又如鈴馬兜笑林

有鄰家自外歸見婦吹火曾詩曰吹火朱唇動

婦亦求夫作詩遂改作吹火青唇動添薪玉腕斜遙看烟裏面一似鳩盤茶柿有

斜遙看烟裏面一似鳩盤茶柿有

答景盧懷書

了無夢寐到京華。來住園林整約車。緩步競移

霜後橘。清談旋碾雨前茶。虛名長媿稱三鳳。舊

事休懷判五花。共把詩筒銷永日。喜君襟韻秀

朱霞。

園中觀種樹

望中赤葉漬霜華。林下徐行便當車。好處見山

仍見水。興來呼酒不呼茶。旋移橘。朱添盧橘更



棟紅花間白花出郭最欣塵事少飽看孤鷺逐  
飛霞

答景盧報月臺將畢工

新築崇臺欵桂華凌虛如跨白鷺車西瓜來自  
余吾水遠物誰詢悉里茶不減平泉書草木更  
尋南部錄烟花落成有約何時講舞袖還看舉  
綵霞

答景嚴詠山居夾道種松

投黼歸來髮半華蒼官恠我出無車樹當樵徑

頻爭席地接禪房好覓茶要使行人長蔭樾不  
教侍女獨司花十韋五鬣它年事會見摩訶之薄  
讀作絳霞

和景盧餞朱叔召往宣城

與客窺園春未華也須日具始回車松間共賞  
猶頭竹酒半先嘗雀舌茶雲覆踈標香起篆風  
侵密坐燭吹花雙溪疊嶂催行色佳句重吟綺  
散霞

答景盧詠道上新松



落<sub>二</sub>喬松說九華遠移霜骨想專車淪脂此地  
能和藥結寶殊方却入茶村女拾釵分翠葉野  
人敲粉衆黃花儵然一徑窮芝嶺曉見飛雲夕  
見霞項年官池陽見九華山有數松

和景盧雨中歎

工徒帶雨望朝華好倩泥蠻指日車末利怯寒  
先近火瑞香蒙潤免澆茶莫暗雲暗青油幕尚  
恐天開端木花待得嚴霜變陰翳便須酌酒賞  
金霞

和景盧喜晴

共喜胡塵不亂華成邊聊出武剗車天公欲遣  
風催雪僧舍方疑烟濕茶巡圃規橙無墜葉隔  
溪移杏恐傷苓舉頭忽見雲間日急草詩章慶  
半霞

藍憲所許

閩商貨千葉牡丹疑其非而却之併懷  
星文隕石應皇華鵲語參差雨洗車忽報商人  
緘葦箬初疑閩產雜官茶栽培况乃三冬月真



鴈難分千葉花寧使凌壇且虛左空吟輕日護

香霞

羅鄴牡丹詩門倚長街損  
綉輕幄龍輕日護香霞

和景盧詠新得歙縣牡丹

旁搜嘉卉對韶華寶玩明珠詫照車可便東壇

無蔓艸如遊北苑得名茶安排釀具多炊黍准

擬襟期共賞卷醉語美人無可恨不教施帔泣

歸霞

李賀牡丹曲美人醉語圍中烟脆華已散  
蝶又闌歸霞帔拖蜀帳昏嬌紅落粉罷承

野處送百結花

盤屈枝仍墊葱青葉不稀凌啣疑鳳帶百結類

鶉衣弱骨長連鎖輕腰孰解圍若教花自在應

作綵雲飛

野處送金燈花

銀燈未茁有金錢翠葉森々比劍稜待得花光

無斷續却須拈出問鄰僧

和景嚴詠冬開木犀

桂枝冬更好浪蕊到今稀雅韻催吟筆幽香傍

舞衣月分千里影風突百花圍倚策山亭暮寒

鷗亦倦飛



和景嚴約賞木犀

款、蟾宮桂冬開自昔稀犀通一點骨蜜染六  
銖衣樽渌拚深酌爐紅漸可圍賞花宜卜晝莫  
待晚霞飛

喜景盧有落成瓊樓之約

地近籃輿便心清俗事稀檐花瓊結佩牕月練  
垂衣松竹添三徑溪山豁四圍落成歌扇集仰  
首暗塵飛

和景嚴詠新得蒲萄

名傳馬乳久物比蚌胎稀高出醪醖架輕鋪薛  
荔衣孤根臨水窟疎蔓接籬圍急釀涼州酒西  
園蓋欲飛

得洛中牡丹

洛菴天下選千里湊三園望岫方絨恨憑鶯忽  
踐言群葩俱退舍勝日便開尊莫惜詩償債真  
同香返魂

藍憲所送牡丹道遠失時頗多枯槁

殷勤人有信驚喜得花饒可惜三冬晚來從千



里遙根芟慾潤澤牙蘗頓枯焦儻有更生路寧  
辭楚此招

荅景韋赴調還家見寄

迎歸烏鵲竟傳聲擺落埃塵襟宇清薪桂豈容留  
帝闕幙蓮且得近鄉城眼邊觸處梅爭破陌上  
分行柳向榮如約速來春可探肩輿須去靜中  
行韋弟乘車頻有可笑故云

許倩遣舟送花栽

渡舟十日涉長湖薨斛筮且百株可喜石榴

初變白更驚玉茗不施朱臨風含笑勞花使映  
水分行擁木双裝點園林娛杖屨好來一醉倒  
金壺

予得圃芝山之麓去春始治畦徑名曰  
山中為芝榭四楹其秋凌芝產于榭  
南今夏復見四本而盤洲亦有其二因  
刻詩以志之

山中曾有采芝仙此日霽根詎偶然題柱漫將  
詩紀實憑欄真共酒忘年英華可是丘園瑞造



化元非雨露偏留與山居作嘉話未甘草木羨  
平泉

雙溪堂

負郭藏嘉處清溪夾岸流風漪前後起雲態淺  
深浮入戶松橫岫開牕插滿洲心閑身自在塵  
事底能留

樣齋二絕句

野色山光列畫圖坐看漁子入菰蒲恰如放鷁  
穿三峽何事航家問五湖

青翰不動柳陰多桂棹無聲鳥語和有此孤舟  
寄丘壑誰能平地起風波

侶鷗亭

憇策新亭上波光入坐來魚遊能自樂鷗狎肯  
相陪風快塵襟豁雲深俗駕回尋盟須日涉未  
怕落霞催

小隱芝州

芝叢盈百見聞希不數嘉禾連理枝紫蓋堆雲  
光點漆金莖蒙露色凝脂一時競秀園林勝十



載深藏天地知急辯軒楹尊瑞物泥封詔墨有  
來期

招二弟賞盤洲雙頭蓮

何須艷質鬪鮮粧弄巧紅藻本自却恐花飛成  
造次急來相就倒銀缸  
紫薇花以六月至自溧陽在道已五十

日今有花滿樹因示二弟

六月炎天千里移不期繁葉便盈枝向來渾是  
西垣客憶得看花草制時

九日欲為雲松之集以病倦而輟

半秋翻藥畧九日負雲松黃菊從他好清尊不  
我容零丁憐敗葉旁午羨遊蜂今古登臨恨雲  
迷五老峯

景盧約賞朝天菊不克往

暮節真無分頭風祗自知朝天雖有菊向日不  
如葵久旱千株槁深秋百艸萎吾衰亦相類飲  
興謝東籬

歲盡春除夕



歲盡春雖淺更長夜亦闌枕邊雞送曉樓外雁  
衝寒學圃心常在籌邊力所難老來驚節序那  
復問椒盤  
觀園人接花  
植杖看園吏揮斤接果栽奪胎移造化類我借  
根芽一似雀為蛤能令桃作梅天工待人力信  
手便春來

開歲三日有夜兩屢聞雷聲繼以大風  
晨起飛雪已盈積景盧作詩即事次其韻

早災已歎失秋成春到誰教夏令行風陣驟來  
收雨脚雪花未集聽雷聲陰陽改變纔俄頃令  
暖乘除若晦明待向斜川會鄰曲占晴須問蜀  
君平

雪後遊盤洲

書事斜川日月同行年過四逼衰翁縱情自洗  
和陶筆乘興誰開訪戴逵梅萼塵存難聚雪竹  
根未穩不禁風莫將野趣逢人說水上輕鷗西  
復東



樣齊觀耕

城下經營二頃田，倒囊不惜買山錢。  
一犁駐目兩初歇，三徑藏身地自偏。  
乞米帖來須領畧，相牛經在與周旋。  
嘗新擬拍翻匙雪，早趁誅夷勝去年。

景廬新治西園而亭榭未立以詩趣之

斬新曲徑治西園，野色春來已可觀。  
便好作亭供客醉，望中流水有時乾。

答景廬和篇

致君無術合歸田，誰敢貪榮食萬錢。  
且對清尊希北海，最欣別墅接西偏。  
轉頭麥壠龍工徃，緩步花蹊蟻磨旋。  
辛苦三農營一飽，莫教牟賊壞豐羊。

上元日園中歸

春風環柳岸，夜雨失沙痕。  
荆竹期新笋，移巷護舊根。  
身閑貪獨樂，舌在戒多言。  
是處無燈火，荒涼一上元。

次韻梁憲盤洲之集



輕風吹雨稱行春  
丘壑裝懷我輩人  
照水軒窗如進艇  
穿卷旌節屢移輪  
携壺迭講三杯酒  
揮塵曾無一點塵  
明日兵厨尋故事  
已教園吏拂華茵

再和日圃中韻

於越歸來三見春  
買山學圃狎漁人  
非嫌厚祿輕捐印  
所畏空餐詠戍輪  
時運可驚如過隙  
人生何苦不同塵  
明年此會誰重講  
唯把書郵問鼎茵

江守置酒盤州張貳卿西憲及景盧同

集時江新兼泉司

皇華分鼎坐添春  
隱霧巢松三散人  
半月陰雲濃似墨  
今朝晴日大於輪  
不辭多酌娛浮蟻  
何用清歌落暗塵  
歸去池塘入新夢  
句中芳艸醉中茵

再賦

到處爭持麴米春  
闌花底湊游人  
同盟非是新傾蓋  
巧誰云去老斷輪  
倚竹豈無人拾翠  
凌



波誰想襪生塵後期直待荷卷發欲喚輕裾上  
舞茵

醉中三用韻

小車追逐賞光春  
蒼塢行盤走隸人  
水面落英如濯錦  
雲心初月未安輪  
今宵同舉盈觴酒  
後夜還凝滿席塵  
倒載歸時同稚舞  
莫教駒哄馮茵

雨中排悶

生怕花飛減却春  
半旬苦雨惱幽人  
山房挂壁

有渡屐村徑衝泥無隻輪  
但見淥波侵碧艸  
不須皂筴去黃塵  
擁爐更甚三冬月  
轉覺寒威逼坐茵

次韻梁憲再集盤洲

春風步屐共優游  
自喜園廬匪拙謀  
羅列清樽資嘯傲  
安排好語待賡酬  
茸香艸裝三徑恰  
恰鳴禽想十洲  
玉節尋盟端不再  
便回天上近凝旒

浮杯



南北芝泉一澗開  
穿蒼度柳勢縈回  
不須元己方脩禊  
才過良辰便泛杯  
行止豈由人智巧  
沉浮長與客驚猜  
急流一去誰難進  
却有先游殿後來

送吳遠澤赴南宮

文壓秋闈擘桂華  
一鳴天陛穩乘槎  
歸來須踏盤洲路  
要看荷衣醉藕花

九曲有感

忽見光陰轉駸々  
華髮添迹陳三可  
嘆心賞四

難兼

歲三日挿柳

欲教垂柳匝池臺  
尋覓長柯處  
我待得成陰  
身益老攀條  
能有幾番來

次韻梁子正詠棕亭

鬢得并閭製數椽  
綉衣拈出少陵篇  
倚楹見水幽情暢  
駐屐迷蒼詩興牽  
便覺茅軒俱退舍  
若談竹室不同年  
滿山所欠青々藥  
且趁流觴集醉仙



盤洲文集卷第六

盤洲文集卷第七  
詩五十四首

梁子正有詩謝牡丹及聚仙次其韻

天教國色傲春華不肯爭先伍雜花  
西洛塵埃長大息名園今屬犬羊家  
癡坐林間類守株一年春事已無餘  
直須九曲添清漲灑掃椽亭進一盃  
玉蘂茸、映四筵團栞如集飲中仙  
下方簇蝶非儔匹上比瓊花難並綠



非病中憶九曲並

新穿九曲望時霖水到渠成病已侵見說小舟  
穿柳岸那知清漲入桃林五旬藥裏長經眼幾  
日荷花復賞心夢裏亦知行樂處老來尤更惜  
光陰

六月鄉城不雨禱賽無應得建康書一

雨連半月至以望日旬晴感而有作

蒼々太手熟歲々厄吾鄉千里均州縣三旬殊  
雨暘誰云不私覆迺爾分此疆遂令遠遊子轉

盼生炎涼

江鳴玉遺蒼梧二蒼鶴其一病兩日而  
死陸魯望云醫鶴自須監吾鄉人醫尚

無良手况禽醫乎

病骨摧頽警露雞草埋長脛委蒼翰吾鄉尚欠  
眩三折况有禽醫為一看

八月下旬觀邸報二絕句

黃卷漫窮年天梯欲止難問閭聽小子競欲裂  
儒冠歎息東坡老聰明誤一生不須多識字捷



徑自橫行東如夫顯明器一主不貶多熾字對  
婺源乃歛之劇邑素有湯鼎之謗頃治  
此郡俾邑官作止沸之亭而不果吾宗  
應賢下車而風俗易書來扁因為賦詩  
琴堂少值烹鮮手壯縣空遭沸鼎名止火絕薪  
俱下策風移全在長官清

宗人應賢婺源張氏之壻也治邑清介  
一無所私其列嶽詒書郡幕至以邑尊  
稱之其里諺如此戲成絕句

自昔為門壻于今是邑尊秋毫無假借情話與  
誰論

朱叔召遺文官荅二絕句

幼出荷衣點雪衣更將龜紫換牙緋人中巧官  
誰知此好向天街挿翅飛  
綠心變却初時白紫色由来昨夜朱學得文官  
何足道但堪巷徑駭僮奴

再賦

不用風人怨綠衣身兼魏紫與潛緋司花直為



文官地可忍春認一片飛  
解褐方聞上玉除  
寵光轉眼疊金朱  
大夫不博  
喬松貴嘉橘千頭也作奴

景盧蟪洲

芳洲編地志  
老蚌隱澄灣  
軒檻今清絕  
全勝合浦還

蟪橋

堤長交柳蔭  
橋狹束荷香  
掩戶回逋客  
憑欄狎漫郎

索笑亭思景嚴二絕句

往日江梅發  
巾車數人來自今  
花索笑不復共  
銜杯常棣春  
來減人如折脚  
鐺倚欄思舊事  
老眼淚縱橫

次韻景盧賞梅

曲塢梅藏白  
東皇解出奇  
不嫌歌板鬧  
直與酒尊宜  
倚竹盟三友  
凌風粲一枝  
清標何水部  
千古說能詩

高石鼓詩



天作高山太王荒鸞鷲一鳴周翦商却鄜卜年  
大蒐講諸侯歛衽尊天王六月中興繩祖武平  
蕩犬戎恢境土石崖可鑿詩可鐫千載神光薄  
西許橐駝輓入大梁都壁水湛人河出圖中間  
兩鼓備章句日惟丙申不模糊左驂秀弓射麋  
豕有鱗有鯢君子漁光知

石經屹相望詛楚登嶧非吾徒辛壬癸甲雁分  
翅橋門觀者堵墻如星沉東壁干戈起首下足  
上天倒置景鍾糜碎九鼎飛王迹皇風吁掃地

羣胡扛石徙幽燕兵車亂載包無糧敵火礪角  
小小爾為礎為砧多歷年

宣和殿中圖復古冠以車攻次十鼓韓詩歐跋  
盡蕪收雲章剖判定魚魯先君辛苦朔方歸  
文犀拱壁弃弗携一編十襲自鐫祕更有司馬  
鳳翔碑我生不辰今已老岐陽三雍身不到匆  
匆使虜接浙行在耶亡耶問無報整齋篆櫺飾  
牙籤簡撮篇詠勞窮探致主有心歌小雅汗顏  
無術下登三



無事可丙申臘二十五日落一左齒

行年六十已中枯雪映衰髯歲且除一齒驟然

離左輔益憐大嚼遠庖厨問無鋪蓋齋室謝

野處孔雀為狸所斃野處孔雀為狸所斃

遠程萬里起南溟文采歲蕤掩畫屏展翼來朝

金翠晃竦身輕舉鵲鳥停園中但有辟蛇法山

下相望瘞鶴銘野鷺家雞隨處有孽狐何事獨

淫刑

過濠上

心隨溪水清目逆岫雲生不憚驪芳屐橋南鷗

乞盟豹岩之北修竹數畝中有叢冢數

十百處皆紹興末年所寄予得地先定

規撫某處起亭榭某處植花木七八年

間成畦迳矣所寄之櫬願移者從之不

強也作噩之春有姓淡人來啟啟敢卜

月携錘掘土數尺敗棺俱在朽骨為土

所蝕頗亦不具皆包裹而去後數日忽

訴于縣于州于外臺追問証治踰月始



定今不復塞其故穴欲使孫魯知之故  
作此詩

未央長樂宮中有樗里墓沈沈天子居咫尺穴  
狐兔乃知古聖人如天覆下土雖袒裼裸程四  
目魯不顧賢哉季武子杜殯迫西廡堂皇步武  
接松檟暗鍾鼓柅刻不屏除芻蕘許來祔忌諱  
後愈多今人不如古曹瞞好發丘凶德比夷虜  
掩骼埋其齒人當事斯語我老得歸田買山因  
學圃鬱琅玕林叢冢不知數豈忍去枯骨為

我展杖屨恣其笋侵豈不使種瓜瓠花木列四  
旁亭榭亦回護數年畦逕成或徙或如故尚有  
獷悍人珥筆巧誣訐無言事自明有物衆所覩  
舊壙今弗堙朽木且支柱尚恐妄男子輕傳市  
中席書事示孫魯無心覓佳句  
席上見姚泉壽母詩子求詩

潘輿隨五彩三釜古今榮蘭玉盈階砌追攀千  
佛名

董伯魯以詩送川海棠用韻答之



花栽趁上春重  
趺疲凌足何日對仙姿  
分題同刻燭

次韻景盧題龜巢

拙速誰云勝巧遲  
新亭結罷得能奇  
細看遠水無天淨  
可但中秋觀月宜  
出郭自欣三徑樂  
枕流今有幾人癡  
巢蓮千歲同藏六一  
笑泥塗曳尾龜

三月十六日龜巢觀月  
渭師携罷同賞  
後兩日大雨復作  
景盧有詩同其韻

潛鱗故上鈎  
遲翠袖憑欄自一奇  
半夜醉歸閑有趣  
一年春盡事如宜  
盍簪何憚再三瀆  
覽鏡堪嗟六十癡  
已辦尋盟臨斫鱸  
不將可否問著龜

四月十三日流杯次景盧韻寄渭師

今年無好雨  
曲水未勝杯  
誰伴山翁醉  
難令俗客陪  
青苔迎馬入  
綠柳送鶯來  
縱步濠梁上  
垂緼更樂哉

流杯同景裴韻



三春少雨未行觴  
槐影交加更漏長  
半夜未來山澗滿  
四簷竹密酒樽涼  
新亭方作龜巢葉  
盡棟何妨燕語梁  
滿飲三觥拌一醉  
老來真個惜時光

流杯次日連雨渭師有詩次其韻

入夏濃雲日夕昏  
舉頭烟雨暗前村  
風隨重客清葵扇  
月為佳人射翠樽  
依舊建瓴歎屋角  
幾番携杖失溪痕  
小舸已在紗窓下  
欲把明瓊看倒盆

趙待見覓小碁次日與之

再答

投老無能千慮昏  
歸田浸久使令村  
長因步月成三影  
難得朋雲共一樽  
水漲溪橋孤釣隱  
雨侵山徑洗鞞痕  
寓公在此寧黔突  
會有客光照覆盆

景廬開尊阻雨展日復用前韻寄之

遂婦鳴鳩急定昏  
不堪烟靄弄千村  
掩關盡日資筇杖  
改席何時對瘦樽  
雲暗松皮多節目  
雨傷梨頰有癡痕  
溪神若也心無妬  
迎出常嫌照



玉盆

雨中排悶

飯牛戴笠牧童昏  
安得斜陽過別村  
戶外涎螞行半壁  
床頭渴鼠側空樽  
花殘鶯老渾如夢  
水到渠成不見痕  
天意未暗人未飲  
家奴款曲辦

粉盆

再賦

月在雲中破境昏  
幾時清影散林村  
杖藜難去尋漁艇  
洗琰無因續蟻樽  
竹葉弄風添秀色  
榴

花帶雨露啼痕不如暮  
捲珠簾醉喚取佳人笑  
拊盆

庚子山居采茶有感

憶昔采茶時  
雨後山蹊濕  
鷹爪喜盈檐  
蠅眼思朝汲  
歸路取盤洲  
下吳行蹤急  
珠汗透裳衣  
更換登梯級  
徙倚曲欄竿  
鳴雁圓沙集  
晚景不勝春  
寒氣潛相襲  
詰旦傍裝臺  
款側人扶立  
輿疾望醫來  
諸耆青黏汁  
舉按念齊眉  
幻泡何嗟及  
重過故園門  
不認携筇入  
引領碩前丘  
空對旗



槍泣

一春置酒必苦風雨今日幸晴而景盧  
有行色

一春風雨厄遊遨此際開樽始解嘲恰々鳴禽  
藏柳陌訴々嫩葉長花梢離筵欲斷愁分袂勝  
日何妨剝出郊燕復香疑公事了頻將書札問

龜巢

次景裴席上韻

桃李紛々已半春海棠睡覺晚粧新龜巢剝有

千般景瓊報渾有一點塵酒未舉杯風逐客詩

方拈筆雨催人從今只揀晴和日艸々杯盤勿

厭頻

用景盧諸公詩軸韻招監司太守

淺白輕紅笑倚門何須雪夜憶前村韶光定入

詩人句勝事難逢俗子言風振繡衣須命駕雲

隨皂蓋欲窺園人生易老愁春老問柳尋春故

事存

景盧數日枕疾復用前韻



半載悠悠只閉門不知紅綠遍千村山川滿目  
供衰境桃李成蹊出怨言可惜花飛聊洗酸何  
期雨作阻行園車公不出須重講檢校芳菲心  
興存  
答景裴  
春到剝啄少登門澁雨慳風笑我村橋上垂綸  
裝好夢花邊倚杖記前言長揚美竹雖當戶語  
燕流鶯不到園此會明年千里馬詩筒猶有置  
郵存

席上遺景廬

白髮歸休閱半生  
棣華鼎唱得娛情  
雙旌欲指  
閩中去三徑誰同  
月下  
行蕙帳風清知鶴怨  
蘋

洲波細憶鷗盟  
新壇留照人千里  
把盞相思淚  
睫橫

詞十調  
枕上示景廬  
一

朱轡皂蓋有行期  
暮景無情惜別離  
枕疾半句  
乖語笑急風吹雨淚垂  
南憇番禹北抵燕片帆西上駐荆門  
平生不作



東甌夢荔子丹時念灌園

荅太守謝牡丹

華髮歸來不記春優游學圃傲江村已欣勝日  
臨千騎漫折香霞佐一樽對竹便當尋曲水藏  
荅那肯效慈恩行厨若有真消息奔走畦丁急  
掃門

劇談錄唐慈恩浴室院有鞞紅牡丹一窠

千朵不使一見會昌中老僧漏言為朝貴  
強掘去

懷景廬

昌蒲節近暑風高常棣叢疎月影交清夜不魯  
空鶴帳浮生何幸老龜巢酒盃獨引今無侶書  
卷閑閑共苦抄想得公堂鳧鷖退須懷西塢欠  
誅苑

荅徐守

改日開尊已十成冬曦特地晚來晴江梅獨報  
春消息應笑羣荅太薄情  
不教絲竹滓魯臺促席飛談懷抱開夜半夢回



聊趁韻媿無好語答瓊瑰  
排悶

數日雷兼雨凝寒懶舉頭  
出遊閑豹舄危坐索  
狐裘怕冷杯常執扶衰藥  
屢投滿園冰木稼天  
遣阿誰憂

雪中歎

連綿春雪助凶年平地盈庭大可歎  
詞客罷吟  
梅散漫園夫慚報竹平安烏鳶腹餒飛穿屋  
牛馬毛寒病倚欄天意欲添人殍野四時玉燭古

來難

答裴弟

常棣成陰尉暮季困人春雪好長嘆閉門終日  
詩頻和伏枕盈旬病未安已遣携鋤移竹徑更  
思杖策整花欄飽聞冰下游魚躍所恨凌溪一  
笑難

憶昔

跨馬春衢鳥翠鞭垂輪圯下解漁船霞飛綺散  
無蹤跡依舊清宵月在川



寄景盧時往豫章

聞得茶蘼語牡丹蜂回蝶散恨春殘西山拄笏  
晨光爽北海空尊夜漏寒徐孺堂中全下榻滕  
王閣外久憑欄歸來已失蘭亭集照眼榴花待  
細看

辛幼安稼軒

濟時方畧滿心胸卜築山城樂事重豈是求田  
謀萬頃聊因學圃問三農高牙暫借藩維重燕  
寢未須歸興濃且為君王開再造他年植杖得

從容



盤龍文集卷之九

上

初

卷之九





書